

11408. bbb. 18

MUSCIPULA,

Holdsworth 18.1

Sive

κ.

KAMBROMYOMAXIA.

Ἀπλώδες ἄνδρες
Καινοτέραις τέχναις ἑταῖνον δόλον ἐξεύραντο
Ἦν ΠΑΓΙΔΑ καλέουσι ΜΥΩΝ ὀλέτειραν ἔεσαν!
ΟΜΗΡΟΥ ΒΑΤΡΑΧΟΜ.



LONDINI:

Impensis E. Curll, ad Insigne Pavonis extra Temple-bar;
& E. Sanger, subter Medii Templi Portam. MDCCCLX

MUSCIPUT
 KAMBROMYOMAXIA

275

BRITISH MUSEUM
 LONDON



LONDON:
 Printed by J. Smith, at the Press of the British Museum, 1851.

ROBERTO LLOYD,

Armigero,

COLL. MAGD. OXON.

Socio-Commensali.

CUM Muscipula nostra,
in *Murium* solummodò per-
niciem excogitata, mihi met-
ipsi quoque in Damnum cesserit;
utpote quæ in Lucem prodierit alie-
nis Maculis abundè inquinata: Nu-
gas has, qualescunque sint, novis Ty-
pis mandare potius visum est, quàm
mendacis Præli Errata agnoscere, æquè
ac mea.

At vereor, *Juvenis dilectissime*, nè
 me *Licentiam* plusquam *Poeticam*
 sumpſiſſe credas, dum tuo Nomine
 Opusculum hoc auſim exornare, quod
 Iracundioribus quibusdam vix in Pa-
 triæ tuæ Laudem confici videatur.
 Hoc ſi ità foret, neque ego dignus
 eſſem, qui in Gentem tam illuſtrem
 turpiſſimam facerem Contumeliam;
 nec Tu, qui eam in Te acciperes.
 Leviores autem ſunt hæ ludicræ Mu-
 ſæ Exercitationes, quàm ut Famæ
Cambro-britannicæ quicquam poſſent
 detrahere, aut ut Authorem

----- *Seria ducant*
In mala. -----

Fatendum quidem eſt, me hu-
 milius Argumentum è Populo Lau-
 dis foecundiffimo cepiſſe, qui ſubli-
 miores potiùs *Epico Carmini* Imagines,
 quàm

quàm ridiculo Poemati Materiam
 suppeditasset. Præterquàm verò quod
 inclyta *Cambrorum* Gesta *Jocosæ* minùs
 conveniebant *Musæ*; haud Fas erat
 ea Linguâ Latinâ deterere, quæ non
 aliâ aptiùs possint exprimi, quàm
 quâ ipsi utebantur *Heroes*. Sum-
 ma tamen excusationis meæ (si-
 quidem quibusdam Excusatione ca-
 ruisse videar) hæc est; quod nihil a-
 liud vellem, quam ut Antiquissimæ
 Gentis tuæ Dignitatem meritò osten-
 tatam vindicarem.

Jampridem *Græcia* furtivos, unde-
 cunque potuit, Honores sibi arrogavit;
 Et parùm contenta à *Chaldæis* *Astrono-*
miam, à *Phænicibus* *Literas*, à *Cretensis*
suum poene *Jovem* transtulisse, ad inven-
 tâ insuper *MUSCIPULA* imperfectam
 adhuc Gloriam voluit consummâsse.
 Cuinam idcirco *Britoni* Bilem non mo-
 veret,

veret, *Homerum*, qui haud ultra ter mille Annos abhinc scripsisse censetur, stupendam hanc Machinam nupero attribuisse Artifici, quæ longè vetustiori *Cambrorum* astutiæ acceptam refert Originem? Hâc quidem de Causâ *Famæ* Gentis tuæ maturè prospiciendum esse duxi, nè aut *Græci Cambros* tuos æmulâ Vetustate exuperâsse viderentur; aut *Homeri* Faber suas à TAFPEIO vestro Laudes furriperet.

Quùm verò *Cambri tui* ob tot eximia Facinora justè inclaruerint, nil mirere, si anxius hæream quibus *Te* præsertim Encomiis, *Mi charissime Condiscipule*, celebrare Gestiam. In quo, & Patriæ, & Gentilitiæ Virtutes tam ambiguâ commiscentur Elegantiâ, ut augurari vix liceat, utrùm plus Splendoris, Familiæ, an Nationi

ni Tuæ sis allaturus. Obfirmatum
 in tuendis *Cambriæ* tuæ *Furibus* Amo-
 rem, honestam in vindicandis Le-
 gum institutis Pertinaciam, Piam in
 conservandâ *Ecclesiæ* Castissimæ Dig-
 nitate Fortitudinem, majores Tui
 Tibi derivârunt. Et quid non opti-
 mo Jure spondeat sibi *Wallia* ; dum
 accrescentem indiès præcosis Inge-
 nii Gloriam non sine summâ Lætitiâ
 prævideat ; dùm hæc eximia Virtu-
 tum, Semina accurata *MAGDA-*
LENÆ nostræ Cura felicissimis
 excolat Auspiciis.

Cùm dehinc ad subactam Matu-
 ritatem adoleverit Judicii Acumen,
 & inter majores Amicorum plausus,
 tenuiores hæ meæ Laudes evanue-
 rint ; parvulum hoc mutux Ami-
 citiæ Pignus, subindé aspicere ne
 de-

viii

dedigneris. Neque sis prorsus im-
memor, aut mei, aut

Actæ non alio Rege Pueritiæ.

Sum

Omni Obsequio

Tibi devinctissimus,

Magd. Coll.

Oxon.

1709.

E. Holdsworth.



M U S C I P U L A .

Monticolam Britonem, qui primus Vincula Mari
Finxit, & ingenioso occlusit Carcere Furem,
Lethalesque Dolos, & inextricabile Fatum,
Musa refer. Tu, *Phæbe* potens, (nam te quoque quondam
Muribus infestum dixerunt *Smynthea* Vates)
O ! faveas ; & tot *Cambrorum* è Montibus, unum
Accipiens vice *Pindi*, adsis, dum pingere versu
Res tenues, humilique juvat colludere Musâ.

Mus, inimicum animal, prædari, & vivere raptò
Suetum, impunè diu, Spolii quâ innata Libido

Jusserat, erravit, sceleratam exercuit Artem
Impavidus, saliensque hinc illinc, cuncta maligno
Corrupt Dente, & Patinâ malè lusit in omni.
Nil erat intactum, sed ubique domesticus Hostis
Assiduus conviva aderat, non Mœnia Furtis
Obstare, aut Vestes poterant servare Placentas,
Robustæve fores; quâ non data Porta, peredit
Ipse sibi introitum, Dapibusq; indulgit inemptis.

Pestis at hæc totum dum serpsit inulta per Orbem,
Cambria præcipuè flevit, quia *Casews* illic
Multus olet, quem *Mus* non, æquè ac plurima, libat,
Aut leviter tantùm arrodit, sed Dente frequenti
Excavat, interiùsque Domos exculpit edules.

Gens tota incensa est super his, Rabiesq; Dolorque
Discruciant Animos, frendent, juga summa pererrant,
Stare loco ignorant, nam *Cambris* prona Furori

Corda calent, subitâque ignescunt Pectora bile,
Cum Digitis, credas Animos quoque *Sulphure* tinctos.

Ergò, jubente Irâ, dignas cum Sanguine Pœnas
Sumere decretum est, sed quâ Ratione Latronem
Tam cautum illaqueent, quo vindice Furta repellant
Incertum; neque *Felis* enim tua, *Cambre*, tueri
Tectâ, nec adversis poterat succurrere Rebus.
Illa quidem varias posuit circum Ora cavernæ
Insidias, tacitoque Pede ad Cavâ Limina repens
Excubias egit; frustrâ: *Mus* nempe pufillo
Corpore securus, tantò & præstantior hoste
Quo minor, intentum Prædæ si forte videret
Custodem ante fores, retro irruit, inque recessus
Aufugit curvos, atque invia *Felibus* Antra:
Inde Caput metuens iterùm proferre, nec ausus
Excursus tentare novos, nisi Castra moveret
Prædo, atq; omne aberat vigili cum *Fele* Peric'lum.

Sic *Cambri* (*Cambros* liceat componere *Muri*)
 Eludere Hostes, cum *Julius*, Orbe subacto,
 Imperio adjecit *Britonas* ; sic nempè recessit
 Ad Latebras Gens tota, & inexpugnabile Vallum,
 Montes ; sic sua Saxa inter, medioque Ruinæ
 Delituit tuta, & desperans vincere, vinci
 Noluit ; hinc priscos memorant longo Ordine *Patres*,
 Indomitæq; crepant Terras, Linguaq; senectam.

Felinos igitur postquam *Mus* sæpius ungues
 Fugerat, & *Britoni* Spes non erat ulla Salutis
 A socio Belli, supremo in Limite Terræ
 Concilium accitur, quæ nunc *Menapia* plorat
 Curtatos Mitræ Titulos, & Nomen inane
 Semi-sepultæ Urbis ; properant hinc inde frequentes
 Patresque, Proceresque, & Odorum *Sulphure* Vulgus.

M U S C I P U L A.

5

Tum Senior, cui sapè suis in Montibus *Hircæ*
 Prolixam invidit *Barbam*, cuique Ora Manusque
Prisca incrustavit *Scabies*, spectabilis Aula
 Stat mediâ, fractus Senio, *Postique* reclinis
Cambrorum vexato *Humeris*; & *Guttur* ab imo
Densas præcipitans *Voces*, non, "inquit, aperto
 " De Bello, sed Furto agitur; non exterus *Hostis*,
 " Sed majus graviusque *Malum*, nimis intimus *Hospes*,
 " Compulit huc *Populum*; dominabitur usq; *Tyrannus*
 " *Mus* petulans? Vos ergo, *Patres*, Venerabilis *Ordo*,
 " *Quæis* *Patriæ* pretiosa *Salus*, finite *Dolores*
 " *Consilio* tantos, & si *Spes* ulla supersit,
 " *Propitias* adhibite *Manus*; sic *CADWALADERI*
 " *Dum* clarescat *Honos*, vestra hinc quoq; *Gloria* crescit."

Dixit, & ante *Oculos* *Fragmenta*, & mucida tollens
Frustrula, *Reliquias* *Furti*, *Monumenta* *Rapinæ*,
Exacuit *Cambrorum* *Iras*: *Nunc æmulus* *Ardor*

Vin-

Vindictæ, nunc Laudis Amor, sub Pectore *Patrum*
 Ardet, inauditam meditatur quisque Ruinam
Muri, MUSCIPULAMQ; statim extudit omne Cerebrum,

At Quidam ante alios notus Cognomine *Taffi*,
 Et magis Ingenio celebris, cui *Wallica* nunquam
 Æqualem peperit, *Faber* idem, idemque *Senator*,
 “ Eximius, sic orsus erat ; si Gloria Gentis
 “ *Casus* intereat, metuo ne tota *Colonus*
 “ Deficiat *Coena*, & *Mense* Decus omne *secunda*
 “ Divitibus pereat ; quoniam ergo *Wallica* Virtus,
 “ Et *Feles* nequeant superare hæc Monstra, fabrilis
 “ *Dextera* quid possit, quid *Machina* vafra, *Doliq*;
 “ *Experiar* ; *Dolus*, an *Virtus*, quis in *Hoste* requirit ?

Talia jactantem circumstant undique fixis
 Hærentes Oculis, sperataque Gaudia læto

Murmure certatim testantur, & unde Salutem
Promissam expectent, rogitant, ardentque doceri,

Ille Caput scalpens, (nam multum scalpere *Cambris*
Expedi) horrendum subrisit, & Ora resolvens

“ Talia Verba refert. Cum fessus Membra Quieti

“ Hesternâ sub Nocte dedi, & Sopor obruit altus

“ Lumina, *Mus* audax sectatus, opinor, Odores

“ Quos non concoctus pingui exhalavit ab Ore

“ *Casus*, accessit furtim, & compage solutis

“ Faucibus irrepsit, jamq; ipsa in Viscera lapsus,

“ Crudas Ventris Opes rapere, hesternamq; paravit

“ Heu! malè munito furari è Guttore Cœnam.

“ Excussus subitò Somnis, sub Dente Latronem,

“ Dum refilire parat, pressi, frustra; rebellem

“ Mordaci Vinculo astringi. Sic Carcere *Murem*

“ Possè capi instructus, nova mox Ergastula, mecum

“ Hæc meditans, statui fabricare, Animoq; Catenas

Effixi

- " Effinxi tales, mihi quas suggererat Oris
 " Captivus. Mirum Od quali regit omnia Lege
 " Dextra Arcana *Jovis* ! Quàm cæcis Passibus errat
 " Causarum Series ! Nobis *Mus* ipse Salutem
 " Invitus dedit, & quos attulit ante Dolores,
 " Tollere jam docuit, neve hunc habuisse Magistrum
 " Vos pudeat, *Patres* ; *Fas est vel ab Hoste doceri.*

Hæc ubi dicta, Domum repetit, comitantur euntem
 Plaudentes Populi, atque benigna Laboribus optant
 Omina. Tum celeri sua quisq; ad Limina Cursu
 Nuncius it, Laribusq; refert, quæ Munera *Taffi*
 Ingenio speranda forent ; dumq; Ordine narrant
 Omnia, dumq; Deis, ut tanta Incepta secudent,
 Vota ferunt, monitæ præfago Pectore *Feles*,
 Plus solito iufere, & (si fas credere Famæ)
 Sub Manibus Matrum faliere Coagula Lactis.

Interea TÆFFI Manibusq; Animoque vicissim
 Instat magno Operi, & *Divinâ Palladis Arte*
 MUSCIPULAM ædificat; fit Machina mira, novâque
 Induitur Vultûs Specie *Tragi-comica* Moles.

Quin age, si tibi, Musa, vacat, Spectacula pandas
 Infantis Fabricæ, & percurrens singula, totam
 Compagem expedias. Quadrati Lamina Ligni
 Summum imumq; tegit; Filorum Ferreus Ordo
 Munit utrumque latus, parvisq; uti fulta Columnis
 Stat Domus; Introitus patet insidiosus, Amicum
Muribus Hospitium ostentans; sed desuper horret
 Janua, Perniciem minitans, tenuique Ruina
 Suspensa est Filo; (usque adeò sua Stamina *Parcæ*
Muribus intexunt, & pendent Omnia Filo.)
 In summo Tecti, mediâq; in Parte Tabellæ,

Stat Lignum, erectum, scisso cum Vertice, cui Trabs
 Parvula transversim inseritur, justèque librata
 Utrinque extendit Palmas, quarum altera quantum
 Deprimitur, tantum annexam levat altera Portam.
 Interiore Domo, per Tecti exile Foramen
 Demissum pendet Ferrum, quod mobile ludit
 Huc illuc facili tactu ; curvatur in Hamum
 Infima Pars, Escamque tenet ; Pars altera prendit
 Perfidiosa Trabem extremam, at cum senserit Hostem
 Lethales gustasse Cibos, mora nulla, solutam
 Dimittit Portam, primumque ulciscitur ictum.

His ita dispositis, pendentem protinus Hamum
 Induit Insidiis T A F F I, exitiosaque *Muri*
 Ipsa Alimenta facit, sed quò fragrantior esset
Casus, & *Murem* invitaret longius, Escam
 Fatalem torret Flammis, vimque addit Odori.

Et jam Nox memoranda aderat, cùm fessâ cubili
Membra levans Taffi, juxta pulvinar amicam
M^U S C I P U L A M statuit, fidoque Satellite tutus
Indulfit facili Somno. Gens improba, *Mures*
Lascivi interea exiliunt, Noctisque silentis
Præsidio confisi errant ; tum Naribus acer
Mus quidam, Dux eximius, Diis natus iniquis,
Castra inimica petit, quò grato Flamine tostus
Casens allexit. Venienti prima resistunt
Clathra, aditumque negant ; sed turpem ferre Repulsam
Ille indignatus, Munimina ferrea circum
Cursitat, & crispat Nasum, introitumque sagaci
Explorat Barbâ ; jamq; irremeabile Limen
Ingressus, Votique potens, tristem arripit Escam,
Exitiumque vorat latus, potiturque Ruinâ.

TAFFI, exaudito Strepitu, quem pendula Porta
 Lapſa dedit, cubito erigitur, Thalamoque triumphans
 Exilit, impatiens diſcendi, quis novus Hoſpes
 Venerat. Interea furit intus *Ridiculus Mus*,
 Et Fronte, & Pedibus pugnat, jamq; intervallis
 Clathrorum Caput impingit, Ferrumque fatigat
 Dentibus infanis. Sic olim in Retia *Marsus*
 Actus Aper, fremit horrendus, ſinuolaque quaſſat
 Vincula, Ludibrium Catulis, diſfuſa per Armos
 It Spuma, arreſtæque rigent in Pectore ſetæ.

Poſtera Lux oritur, decurrunt Montibus altis
 Præcipites *Cambri*, nam cunctas venit ad Aures
 Res nova; quippe *Aſinus*, ſolitâ Gravitate remiſſâ,
 Et jam Pigritiæ oblitus, laſcivior *Hedo*
 Aſcendit Montem, quâ *Cambrum*, diſſonus Ore,

Praconem simulans, ter rauco Gutturē rudens,
 Te celebrat, TAFFI, ter publica narrat Amicis
 Gaudia. *Bubo* etiam (*Cambrorum* dictus ab illo
 Tempore *Legatus*) per compita ubique, per Urbes,
 Totā Nocte errans, Rostrum feralē Fenestris
 Stridulus impegit, cecinitq; instantia *Muri*
 Funera. *Parturiunt Montes*; atq; agmine denso
Penbrochiæ multus ruit Incola, *Merviniæque*,
 Quiq; tenent *Bonium*, & *Mariduni* Mœnia Vate
 Inclyta *Merlino*; veniunt fœcunda *Glamorgan*
 Quos alit, & *Vaga* potor, rigidusque Colonus
Gomerici Montis. Tum, circumstante Coronâ,
 Illudit capto TAFFI, iratumque laceffens,
 “ Nequicquam lucteris, (ait) damnaberis *Aræ*
 “ *Victima prima meæ, memoriq; hæc Limina tinges*
 “ *Sanguine*; *Spes nulla est, retrò fugientibus obstant*

“ Non exorandi Postes : Dabis, improbe, Penas

“ Pro Meritis, Vitamque simul cum Carcere linques.

Vix ea fatus erat, cùm Ludicra *Felis* aprico
 Culmine defiliit Tecti, quò sæpe solebat,
 Cruribus extensis, molli languescere Luxu.
 Aspicit instantem Captivus, & erigit Aures,
 Gibbofoque riget Tergo, nec Limen apertum
 Jam tentare audet, sed in ipso Carcere solam
 Spem Libertatis ponens, sua Vincula prensat
 Unguibus hamatis, Pedibusque tenacibus hæret,
 Excutitur tamen ; & *Felis* rapidissima Prædæ
 Involat, & frustra luctantem evadere sævo
 Implicat Amplexu, crudeliaq; Oscula figit.
 Nulla datur Requies ; agili Sinuamine Caudæ
 Gaudia testatur Victrix, & flexile Corpus

Lascivo versans Saltu, modò Corpore prono
Attentè invigilat *Muri*, modò Colla benignis
Unguiculis levitèr palpans, mentitur Amorem
Dum lacerare parat; variâ sic arte jocosam
Barbariem exercet, lepidâque Tyrannide ludit.

At Nugis tandem defessa, nec ampliùs Iram
Diffimulans, acuit Dentes, &, more Leonis
Impasti, incumbit Prædæ: Jam Pectore ab imo
Murmurat, & tremulos Artus, & Sanguine sparsa
Viscera dilaniat. Plebs circumfusa cruorem
Invisum aspiciens, lætis clamoribus implent
Æthera; Clamoresq; Echo, *Cambræ* Incola Terræ,
Læta refert; resonant *Plinlimmonis* ardua Moles,
Et *Brechin*, & *Snowdon*; Vicina ad Sidera fertur
Plausus, & ingenti strepit *Offæ Fossa* Tumultu.

Tu, Taffi, aeternum vives ; tua Munera *Cambri*
 Nunc etiam celebrant, quotiesque revolvitur Annus,
 Te memorant ; Patrium Gens grata tuetur Honorem,
 Festivoq; ornat redolentia Tempora Porro.

FINIS.



ambri
nnus,
reni,
Bard
A
Dici
Imp
M
Vil
Inv
Fel
I
E
M